



UNIVERSITÄTS-
BIBLIOTHEK
PADERBORN

Jus Canonicum Ad Libros V. Decretalium Gregorii IX.

Huth, Adam

Augustæ Vindelicorum, 1732

17. De raptoribus, incendiariis & violatoribus Ecclesiarum

[urn:nbn:de:hbz:466:1-63433](https://nbn-resolving.org/urn:nbn:de:hbz:466:1-63433)

TITULUS XVII.

De Raptoribus, Incendiariis, & Violatoribus Ecclesiarum.

Q. 1. Raptus personarum quid sit, & qua pena raptoribus sint constituta? Resp. 1. De raptu in ordine ad matrimonium dirimendum, aliter est ad *Libr. IV. Decretal. Tit. 1. §. 3.* Q. 7. in ordine ad pœnas alias definitur raptus, quod sit delictum publicum, quo virgo aut alia mulier, sive soluta, sive ligata, honesta tamen & ingenua violentè abducitur de loco in locum mortali diversum libidinis exercendæ, aut etiam matrimonii cum eâ contrahendi causa. *Pirk. h. t. n. 1. Wiestn. n. 1. arg. L. un. C. de rapt. Virg.*

Resp. 2. Pœna raptui mulieris inhonestæ ventis de *Jure Civili* est tantum arbitraria, quæ raptus propriè non est; de *Jure* tamen *Canonico* & *Trid.* statutas pœnas talis raptus incurrit. Pœnas in raptos virginum, & aliarum sanctarum honestarum de *Jure Civ.* statutas videte ad *L. un. C. de rapt. Virg.* per quam parentes & propinquis licebat raptorem in raptu deprehensum, eique auxiliantes impunè occidere post fugam deprehensus & legitimè convictus raptor & Socii jubebantur ultimo supplicio affligi, quam pœnam confirmavit *Constit. Crim. A. 1171.* bona mobilia eorundem raptæ addicebantur, & matrimonium inter raptorem & raptam non poterat

terat consistere. Demum de jure Canonico antiquo licet potuerit inter raptorem & raptam matrimonium consistere per *c. fin. h. t.* raptor tamen efficiebatur servus mulieris, si eam invitam rapisset, patris autem, si consentientem quidem, sed patre reluctante abduxisset. *c. 3. caus. 36. q. 1.* raptor & ejus fautores excommunicabantur, si Laici essent. *can. 1. caus. 36. q. 2.* si Clerici, deponerentur à gradu & ordine Clericali. *can. 4. caus. 6. q. cit.* Quid jure novo Trid. statuatur, vide *Sess. 24. c. 9. de ref. matr. & dicta superius ad Libr. 4. l. cit.*

Q. 2. *Raptus rerum seu rapina quid sit, & quæ pena raptoribus constituta?* Resp. 1. Rapina proprie sumpta est injusta rei alienæ mobilis aut se moventis per vim facta ablatio. Hodie ex *Constit. Carol. a 126.* est delictum publicum. Distinguitur ab *invasione*, quia res *immobiles* propriè invaduntur, non rapiuntur: à *furto*, quod committitur absque vi; à *concussione*, in quâ quidem *vi compulsiva* per metum, non *ablativa* intervenit, cum concussio sit delictum, quo alicui terror absque vi parata incutitur, pecuniæ v. g. extorquendæ causâ: à *prædatione* seu *viarum grassatione* (*robbaria* etiam dicta) quòd prædatio addat violentæ ablationi insidiosam aggressionem, cui aggressioni si accederet occisio, *latrocinium* diceretur: à *raptu* & *plagio*, quia raptus committitur, dum quis personam honestam per vim abducit &c. *plagium*, dum quis aliâ de causâ furatur hominem liberum vel servum, eumque ven-

E § dit,

dit, aut persuadet, ut filius à parentibus, servus à Domino aufugiat.

Resp. 2. Præterquam quòd raptor contrahit duplicem obligationem, unam, quæ ad reparationem damni tendit, ejusque gratiâ prodita sunt remedia persecutoria rei; alteram ad poenam quòd spectant remedia pœna persecutoria, ut dicitur *actio vi bonor. raptor. &c.* hodie, cum exiit recesserit *actio vi bonor. rapt. & furti.* responsa propriè dicti de *Jure Civili* puniuntur criminatim ter ex *Constit. Carol.* quæ juxta *art. 126.* est ubi supplicii, gladii scil. vel pro consuetudine loci. De *Jure Canon.* raptor est ab Episcopo loci, ubi contigit rapina, excommunicandus, & fruat satisfacere, mortuus caret sepultura Ecclesiasticâ. *c. 1. 2. 3. h. t. c. 2. de furt. Pyrat. resistentes mare ad ditionem Rom. Eccles. perit & qui bona Catholicorum in mari naufragium diripiunt, excommunicationem incurrent latae sententiæ, Bulla Cœn. casu 3. & 4. Seditatores viarum & latrones publici excluduntur asylo Constit. Gregor. XIV. Cum alias. & Constit. Benedicti XIII. Ex quo, edit. 6. Id. Junij 1721.*

Q. 3. Incendiarii qui dicantur, & qua poena? *Resp. 1.* Propriè dicti incendiarii sunt qui dolo & deditâ operâ sive scientes prodeum apposito igne urbes, domos, prædia, & alia aliâve bona aliena, per se vel per alios accendunt aut ad hoc mandatum, auxilium, consilium prestant.

Resp. 2. Jure Canonico incendiarii talia

communicandi sunt & privandi sepulturâ Ecclesia-
 ficâ, nisi ante mortem pœnituerint, & factâ pro
 modo facultatum damni reparatione absoluti fue-
 rint *c. 5. h. t.* obligatio satisfaciendi etiam tran-
 sit ad hæredes pro viribus hæreditariis *c. 5. cit.*
 per quod cap. Jus Civile statuens ex delicto de-
 functi non teneri hæredem, correctum est. De
 jure autem *Civili* ex *cit. Constit. Carol. art. 125.*
 & hodie in incendiarios *proprie* dictos pœna ignis
 lætuta, Pœna incendiî non quidem *dolo* sed *cul-*
pa facti pro modo culpæ est arbitraria; quod ne-
 gativè probatur, quia non reperitur in jure certa
 pœna. Locum tamen habet Actio Civilis ad re-
 paranda damna. *t. t. Inst. ff. C. ad L. Aquil. & c.*
in de injur. ad quorum reparationem tum modò
 quis ante sententiam judicis obligatur, si culpa
 Theologicè gravis subfit. Demum & illud ex
Zichl. n. 8. h. t. notandum, quòd si in cujusquam
 ædibus ortum sit incendium, non præsumi qui-
 dem *dolo* inhabitantium id factum, quia dolus
 non præsumitur, aliquam tamen culpam inhabi-
 tantium *in genere* præsumi, saltem levem vel le-
 vissimam. *L. 3. §. 2. ff. de off. Pras. Vig.* nullus au-
 tem *in particulari* absque indicis. Ulteriùs per-
 git, casu quo de nullo in particulari præsumptio
 culpæ emergat, nec Patremfam. nec alium com-
 pelli posse ad reparandum damnum, sed quoad
 hoc inter casus fortuitos incendium esse reputan-
 dum ex *L. 23. in fin. ff. 3. R. I.* Ratio, quia gra-
 ve adeo onus absque præsumptione moralem cer-
 titudinem faciente non imponendum. Quòd si
 vero

verò constat de alicujus culpa, tunc si ipse Patremfam. sit, esse ipsum conveniendum ab iis, qui damnum passi sunt, si verò servus, isque ex officio deliquerit, aut pro diligente semper habitus, Patremfam. non posse conveniri.

Q. 4. Quinam sint violatores Ecclesiarum, & qua illis pena statuta? Resp. 1. Violatores Ecclesiarum hic dicuntur, qui Ecclesias, aliisque loca Sacra & Religiosa violenter effringunt & spoliant. Fures Sacrilegi vocantur illi, qui citra effractionem & violentiam vel rem sacram de loco sacro, vel rem sacram de loco non sacro (vel rem non sacram de loco sacro juxta Jus Can. *ca. 2. l. 1. §. Sacrilegium. caus. 17. q. 4.*) auferunt.

Resp. 2. Hodierno Jure juxta Ord. Carol. art. 172. & seq. qui Hierothecam (die Monstrant) cum hostiâ consecratâ abstulerit, etiam si sine effractione factum, jubetur comburi vivus: qui alius rem sacrum argenteum, cum vel sine reliquiis, cibum, patenam, alio mortis genere plectendus est. De Jure Canonico autem excommunicatione facta, & privatione sepulturæ, nisi satisfiat, *ca. 11. de sent. excomm. c. fir. de furt. c. 16. de for. comp.*

TITULUS XVIII.

De furtis.

Q. 1. Quid & quotuplex sit furtum? Resp. 1. Furtum juxta Thom. D. 2. 2. q. 68. art. 3. est occulta acceptio rei alienæ, domino rationabiliter invito: vel aliquanto fusiùs, est contrectatio rei